

SURAH MARYAM



Surah: 19 Juzuk: 16 Bil. Ayat: 98

*Dengan nama Allah Yang Maha Pemurah,
lagi Maha Mengasihani.*

1. Kaaf, Haa, Yaa, Ain, Saad.
2. (Inilah) satu peringatan tentang limpahan rahmat Tuhanmu (wahai Muhammad), kepada hambaNya Zakaria.
3. Ketika nabi Zakaria berdoa kepada Tuhannya secara perlahan.
4. Dia merayu dengan berkata: Wahai Tuhanku! Sesungguhnya telah lemahlah tulang—temulanku, manakala kepalaku pula telah dipenuhi uban; dan aku - wahai Tuhanku - tidak pernah merasa hampa dengan doa permohonanku kepadaMu.
5. Dan sesungguhnya aku merasa bimbang akan kecuaiian kaum kerabatku menyempurnakan tugas-tugas agama sepeninggalanku; dan isteriku pula adalah seorang yang mandul; maka, kurniakanlah daku dari sisiMu seorang anak lelaki.
6. Yang layak mewarisi aku, juga mewarisi keluarga nabi Yaakub; dan jadikanlah dia - wahai Tuhanku seorang yang diredai serta disukai».

بِسْمِ اللَّهِ الرَّحْمَنِ الرَّحِيمِ

كَيْهَيْعَاصٍ ١

ذِكْرُ رَحْمَتِ رَبِّكَ عَبْدَهُ زَكَرِيَّا ٢

إِذْ نَادَى رَبَّهُ نِدَاءً خَفِيًّا ٣

قَالَ رَبِّ إِنِّي وَهَنَ الْعَظْمُ مِنِّي وَأَشْتَعَلَ

الرَّأْسُ شَيْبًا وَلَمْ أَكُنْ بِدُعَائِكَ رَبِّ

سَمِيًّا ٤

وَإِنِّي خِفْتُ الْمَوَالِيَ مِنْ وَرَائِي

وَكَأَنْتَ أَمْرَانِي عَاقِرًا فَهَبْ لِي مِنْ

لَدُنْكَ وَلِيًّا ٥

يَرْتَضِي وَيَرِثُ مِنْ عَالِ يَفْقُوبٍ وَأَجْعَلْهُ

رَبِّ رَضِيًّا ٦

7. «Wahai Zakaria! Sesungguhnya Kami memberikan khabar yang menggembirakanmu dengan mengurniakan seorang anak lelaki bernama Yahya, yang kami tidak pernah jadikan sebelum itu, seorangpun yang senama dengannya».
8. Nabi Zakaria bertanya: «Wahai Tuhanku! Bagaimanakah aku akan beroleh seorang anak, sedang isteriku adalah seorang yang mandul dan aku sendiri pula telah sampai had umur yang sangat tua?»
9. Penyeru itu menjawab: (Tak usahlah dihairankan) keadaan yang demikian; Tuhanmu berfirman; «Perkara itu mudah bagiKu kerana sesungguhnya Aku telah menciptakanmu dahulu, sedang engkau pada masa itu belum ada sama sekali».
10. Nabi Zakaria merayu lagi: «Wahai Tuhanku! Jadikanlah satu tanda bagiku (yang menunjukkan isteriku mengandung)», Allah Taala berfirman: «Tandamu itu ialah engkau tidak dapat berkata-kata dengan orang ramai selama tiga malam, sedang engkau dalam keadaan sihat».
11. Maka dia pun keluar mendapatkan kaumnya dari Mihrab (tempat solatnya), lalu dia memberi isyarat kepada mereka:

بَرَكَاتٍ إِنَّا أَنْبَشُوكَ بِعِلْمِ اسْمِهِ
يَحْيَىٰ لَمْ نَجْعَلْ لَهُ مِنْ قَبْلُ سَمِيًّا ﴿٧﴾

قَالَ رَبِّ إِنِّي كُونُ لِي غُلَامًا وَكَانَتْ
أُمْرَاتِي عَاقِرًا وَقَدْ بَلَغْتُ مِنَ الْكِبَرِ
عَتِيًّا ﴿٨﴾

قَالَ كَذَلِكَ قَالَ رَبُّكَ هُوَ عَلَىٰ هَيْبٍ
وَقَدْ خَلَقْنَاكَ مِنْ قَبْلُ وَلَمْ تَكُ شَيْئًا ﴿٩﴾

قَالَ رَبِّ اجْعَلْ لِي آيَةً قَالَ آيَاتُكَ
إِلَّا نُكَلِّمُ النَّاسَ ثَلَاثَ لَيَالٍ سَوِيًّا ﴿١٠﴾

فَخَرَجَ عَلَى قَوْمِهِ مِنَ الْمِحْرَابِ فَأَوْحَىٰ
إِلَيْهِمْ أَن سَبِّحُوا بُكْرَةً وَعَشِيًّا ﴿١١﴾

«Hendaklah kamu bertasbih (mengerjakan ibadat kepada Allah) pagi dan petang».

12. «Wahai Yahya, terimalah kitab itu (serta amalkanlah) dengan bersungguh-sungguh! Dan Kami berikan kepadanya kebijaksanaan semasa dia masih kanak-kanak.
13. Dan (Kami mengurniakannya) rasa belas kasihan daripada sisi Kami, serta kesucian (daripada dosa); dan dia seorang yang bertakwa.
14. Dan dia taat serta berbuat baik kepada ibu bapanya, dan dia pula tidak sombong angkuh lagi derhaka.
15. Dan (Kami limpahkan) kepadanya kesejahteraan pada hari dia diperanakkan, dan pada hari dia mati, serta pada hari dia dibangkitkan hidup semula (pada hari kiamat).
16. Dan bacakanlah (wahai Muhammad) di dalam kitab al-Quran ini perihal Maryam, ketika dia memencilkan diri dari keluarganya di sebuah tempat sebelah timur.
17. Kemudian Maryam membuat dinding untuk melindungi dirinya dari mereka. Maka Kami hantarkan kepadanya roh daripada Kami lalu ia menyamar diri kepadanya sebagai seorang lelaki yang sempurna bentuk kejadiannya.

يَجِيَّ حِيَّ خُذِ الْكِتَابَ بِقُوَّةٍ وَآتَيْنَاهُ
الْحِكْمَ صَبِيًّا ﴿١٢﴾

وَحَنَانًا مِن لَّدُنَّا وَزَكَاةً وَكَانَ تَقِيًّا ﴿١٣﴾

وَبِرًّا بَوَالِدَيْهِ وَلَمَّا كُنْ جَبَارًا عَصِيًّا ﴿١٤﴾

وَسَلَّمْ عَلَيْهِ يَوْمَ وُلِدَ وَيَوْمَ يَمُوتُ وَيَوْمَ
يُبْعَثُ حِيًّا ﴿١٥﴾

وَأَذْكُرْ فِي الْكِتَابِ مَرْيَمَ إِذِ انْتَبَذَتْ مِنْ
أَهْلِهَا مَكَانًا شَرْوِيًّا ﴿١٦﴾

فَاتَّخَذَتْ مِنْ دُونِهِمْ حِجَابًا فَأَرْسَلْنَا إِلَيْهَا
رُوحَنَا فَتَمَثَّلَ لَهَا بَشَرًا سَوِيًّا ﴿١٧﴾

18. Maryam berkata: Sesungguhnya aku berlindung kepada (Allah) Ar-Rahman daripada (gangguan) mu kalaulah engkau seorang yang bertakwa.
19. Dia berkata: «Sesungguhnya aku utusan Tuhanmu, untuk mengurniakan kamu seorang anak yang suci».
20. Maryam bertanya: Bagaimanakah aku akan beroleh seorang anak lelaki, padahal aku tidak pernah disentuh oleh seorang lelaki pun, dan aku pula bukan perempuan jahat?»
21. Dia menjawab: «(Tak usahlah dihairankan) keadaan yang demikian; Tuhanmu berfirman: Perkara itu mudah bagiKu; dan Kami hendak menjadikan pemberian anak itu sebagai satu tanda (yang membuktikan kekuasaan Kami) untuk umat manusia dan sebagai satu rahmat daripada Kami; dan hal itu adalah satu perkara yang telah ditetapkan berlakunya.
22. Maka Maryam pun mengandung, lalu dia memencilkan diri dengan kandungannya itu ke sebuah tempat yang jauh.
23. (Ketika dia hendak bersalin) maka sakit beranak itu memaksanya (bersandar) di pangkal sebatang pohon tamar (kurma); dia berkata: «Alangkah baiknya kalau aku mati sebelum

قَالَتْ إِنِّي أَعُوذُ بِالرَّحْمَنِ مِنْكَ إِنْ كُنْتُ نَسِيًّا ۝١٨

قَالَ إِنَّمَا أَنَا رَسُولُ رَبِّكِ لِأَهَبَ لَكِ غُلَامًا زَكِيًّا ۝١٩

قَالَتْ أَنَّى يَكُونُ لِي غُلَامٌ وَلَمْ يَمَسِّنِي بَشَرٌ وَلَمْ أَكُ بَغِيًّا ۝٢٠

قَالَ كَذَلِكَ قَالَ رَبُّكَ هُوَ عَلِيمٌ هَدِيدٌ ۝٢١
وَلِنَجْعَلَهُ آيَةً لِلنَّاسِ وَرَحْمَةً مِنَّا وَكَانَ أَمْرًا مَقْضِيًّا ۝٢٢

۞ فَحَمَلَتْهُ فَانْتَبَدَتْ بِهِءَ مَكَانًا قَصِيًّا ۝٢٣

فَأَجَاءَهَا الْمَخَاضُ إِلَى جِذْعِ النَّخْلَةِ قَالَتْ يَلَيْتَنِي مِتُّ قَبْلَ هَذَا وَكُنْتُ نَسِيًّا مَنَسِيًّا ۝٢٤

ini dan aku dilupakan orang dan tidak dikenang-kenang»!

24. Lalu dia diseru dari sebelah bawahnya: «Janganlah engkau berdukacita (wahai Maryam), sesungguhnya Tuhanmu telah menjadikan di bawahmu sebatang anak sungai.
25. Dan goncangkanlah ke arahmu batang pohon tamar itu, supaya gugur kepadamu buah tamar yang masak.
26. «Maka makanlah dan minumlah serta tenangkanlah hatimu daripada segala yang merunsingkan. Kemudian kalau engkau melihat seseorang manusia, maka katakanlah: Sesungguhnya aku bernazar diam membisu kerana (Allah) Ar-Rahman; (setelah aku menyatakan yang demikian) maka aku tidak sama sekali akan berkata-kata kepada sesiapapun di kalangan manusia pada hari ini».
27. Kemudian baliklah dia kepada kaumnya dengan mendukung anaknya. Mereka pun menempelaknya dengan berkata: Wahai Maryam! Sesungguhnya engkau telah melakukan suatu perkara yang besar kesalahannya!
28. «Wahai saudara perempuan Harun, bapamu bukanlah seorang yang buruk akhlaknya, dan ibumu pula bukanlah seorang perempuan jahat!»

فَنَادَاهَا مِنْ تَحْتِهَا أَلَا تَحْزَنِينَ قَدْ جَعَلَ رَبُّكِ
تَحْتِكَ نَهْرًا ﴿٢٤﴾

وَهَزَيْتَ إِلَيْكَ بِجُدْعِ النَّخْلَةِ تُسْقِطُ عَلَيْكَ
رُطْبًا جَنِيًّا ﴿٢٥﴾

فَكُلِي وَاشْرَبِي وَقَرِّي عَيْنًا فَمَا تَرَيْنَ مِنَ
الْبَشَرِ أَحَدًا فَقُولِي إِنِّي نَذَرْتُ لِلرَّحْمَنِ
صَوْمًا فَلَنْ أُكَلِمَ الْيَوْمَ إِنْسِيًّا ﴿٢٦﴾

فَأْتَتْ بِهِ قَوْمَهَا تَحْمِلُهُ قَالُوا لِمَ تَمْرِمِينَ لَقَدْ
جِئْتِ شَيْعًا فَرِيًّا ﴿٢٧﴾

يَا أُخْتُ هَارُونَ مَا كَانَ أَبُوكَ امْرَأَ سَوْءٍ
وَمَا كَانَتْ أُمَّكَ بَغِيًّا ﴿٢٨﴾

29. Maka Maryam segera menunjuk kepada anaknya. Mereka berkata (dengan hairannya): «Bagaimana kami boleh berkata-kata dengan seorang yang masih kanak-kanak dalam buaian?»
30. (Isa) menjawab: «Sesungguhnya aku ini hamba Allah; Dia telah memberikan kepadaku kitab (Injil), dan Dia telah menjadikan aku seorang nabi.
31. Dan Dia menjadikan aku seorang yang berkat di mana sahaja aku berada, dan diperintahkan aku mengerjakan solat dan memberi zakat selagi aku hidup.
32. «Serta (diperintahkan aku) taat dan berbuat baik kepada ibuku, dan Dia tidak menjadikan aku seorang yang sombong takbur lagi derhaka.
33. Dan segala kesejahteraan dilimpahkan kepadaku pada hari aku diperanakan dan pada hari aku mati, serta pada hari aku dibangkitkan hidup semula (pada hari kiamat)».
34. Begitulah (sifat-sifat) Isa Ibnu Maryam. Keterangan yang tersebut ialah keterangan yang sebenar-benarnya, yang mereka ragu-ragu padanya.
35. Tidaklah layak bagi Allah mempunyai anak. Maha Suci Dia. Apabila Dia menetapkan jadinya sesuatu perkara, maka Dia

فَأَشَارَتْ إِلَيْهِ قَالُوا كَيْفَ نُكَلِّمُ مَنْ كَانَ فِي
الْمَهْدِ صَبِيًّا ﴿٢٩﴾

قَالَ إِنِّي عَبْدُ اللَّهِ آتَانِيَ الْكِتَابَ وَجَعَلَنِي
نَبِيًّا ﴿٣٠﴾

وَجَعَلَنِي مُبَارَكًا أَيْنَ مَا كُنْتُ وَأَوْصَانِي
بِالصَّلَاةِ وَالزَّكَاةِ مَا دُمْتُ حَيًّا ﴿٣١﴾

وَبِرَّآءِ بَوَالِدِي وَلَمْ يَجْعَلْنِي جَبَّارًا
سَفِيًّا ﴿٣٢﴾

وَالسَّلَامُ عَلَيَّ يَوْمَ وُلِدْتُ وَيَوْمَ أَمُوتُ
وَيَوْمَ أُبْعَثُ حَيًّا ﴿٣٣﴾

ذَلِكَ عِيسَى ابْنُ مَرْيَمَ قَوْلَ الْحَقِّ الَّذِي
فِيهِ يَمْتَرُونَ ﴿٣٤﴾

مَا كَانَ لِلَّهِ أَنْ يَتَّخِذَ مِنْ وَلَدٍ سُبْحَانَهُ إِذَا
قَضَىٰ أَمْرًا فَإِنَّمَا يَقُولُ لَهُ كُنْ فَيَكُونُ ﴿٣٥﴾

berfirman kepadanya: «Jadilah engkau», lalu jadilah ia.

36. Dan sesungguhnya Allah ialah Tuhanku dan Tuhan kamu maka sembahlah kamu akan Dia; inilah jalan yang lurus».
37. Kemudian golongan (daripada kaumnya) itu berselisihan sesama sendiri⁽¹⁾. Maka kecelakaanlah bagi orang kafir (yang berselisihan) itu, daripada apa yang disaksikan pada hari yang besar huru-haranya.
38. Sungguh jelas pendengaran dan penglihatan mereka yang kafir itu semasa mereka datang mengadap Kami pada hari akhirat. Tetapi orang yang zalim ketika di dunia ini, berada dalam kesesatan yang nyata.
39. Dan berilah amaran (wahai Muhammad) kepada umat manusia seluruhnya tentang hari penyesalan iaitu hari diselesaikan perbicaraan perkara masing-masing pada masa mereka (yang ingkar) di dunia ini berada dalam kelalaian serta mereka pula tidak mahu beriman.
40. Sesungguhnya Kamilah yang mewarisi bumi dan segala makhluk yang ada di atasnya; dan kepada Kamilah mereka akan dikembalikan.

وَإِنَّ اللَّهَ رَبِّي وَرَبُّكُمْ فَأَعْبُدُوهُ هَذَا صِرَاطٌ
مُّسْتَقِيمٌ ﴿٣٦﴾

فَاخْتَلَفَ الْأَحْزَابُ مِنْ بَيْنِهِمْ فَوَيْلٌ لِلَّذِينَ
كَفَرُوا مِنْ مَّشْهَدِ يَوْمٍ عَظِيمٍ ﴿٣٧﴾

أَسْمِعْ بِهِمْ وَأَبْصُرْ يَوْمَ يَأْتُونَنَا لَكِنِ الظَّالِمُونَ
الْيَوْمَ فِي ضَلَالٍ مُبِينٍ ﴿٣٨﴾

وَأَنْذِرْهُمْ يَوْمَ الْحَسْرَةِ إِذْ قُضِيَ الْأَمْرُ وَهُمْ فِي
غَفْلَةٍ وَهُمْ لَا يُؤْمِنُونَ ﴿٣٩﴾

إِنَّا نَحْنُ نُرِثُ الْأَرْضَ وَمَنْ عَلَيْهَا وَإِلَيْنَا
يُرْجَعُونَ ﴿٤٠﴾

1 Iaitu orang Yahudi dan Nasrani.

41. Dan ceritakanlah (wahai Muhammad) di dalam Kitab (al-Quran) ini tentang nabi Ibrahim; sesungguhnya dia adalah seorang nabi yang benar.
42. Ketika dia berkata kepada bapanya: Wahai ayahku, mengapa ayah menyembah benda yang tidak mendengar dan tidak melihat serta tidak dapat menolongmu sedikitpun?
43. «Wahai ayahku, sesungguhnya telah datang kepadaku sebahagian daripada ilmu yang tidak pernah datang kepadamu maka ikutlah aku; aku akan memimpinmu ke jalan yang betul.
44. «Wahai ayahku, janganlah ayah menyembah syaitan, sesungguhnya syaitan itu menderhaka kepada Allah.
45. «Wahai ayahku, sesungguhnya aku bimbang bahawa ayah akan dikenakan azab daripada (Allah) Ar-Rahman disebabkan ayah menyembah yang selainNya; maka dengan sebab itu ayah akan menjadi rakan bagi syaitan di dalam neraka».
46. (Bapanya) menjawab: «Patutkah engkau bencikan tuhan-tuhanku, wahai Ibrahim? Sesungguhnya jika engkau tidak berhenti daripada menyeru dan menasihati aku sudah tentu aku akan melontarmu dengan batu; dan

وَأَذْكُرُ فِي الْكِتَابِ إِبْرَاهِيمَ إِذْ كَانَ صَادِقًا
نَبِيًّا ﴿٤١﴾

إِذْ قَالَ لِأَبِيهِ يَا أَبَتِ لِمَ تَعْبُدُ مَا لَا يَسْمَعُ
وَلَا يُبْصِرُ وَلَا يُعْنِي عَنْكَ شَيْئًا ﴿٤٢﴾

يَا أَبَتِ إِنِّي قَدْ جَاءَنِي مِنَ الْعُلَمَاءِ مَا لَمْ يَأْتِكَ
فَاتَّبَعْنِي أَهْدِكَ صِرَاطًا سَوِيًّا ﴿٤٣﴾

يَا أَبَتِ لَا تَعْبُدِ الشَّيْطَانَ إِنَّ الشَّيْطَانَ كَانَ
لِلرَّحْمَنِ عَصِيًّا ﴿٤٤﴾

يَا أَبَتِ إِنِّي أَخَافُ أَنْ يَمَسَّكَ عَذَابٌ مِنَ
الرَّحْمَنِ فَتَكُونَ لِلشَّيْطَانِ وَلِيًّا ﴿٤٥﴾

قَالَ أَرَأَيْبُ أَنْتَ عَنْ هَاتِهِ يَا إِبْرَاهِيمُ
لَئِنْ لَمْ تَنْتَهِ لَأَرْجُمَنَّكَ وَأَهْجُرَنِي وَلَئِن لَّمْ يَنتَهِ
لَأَكُونَنَّ مِنَ الْخَاسِرِينَ ﴿٤٦﴾

tinggalkan aku untuk satu tempoh yang panjang».

47. Nabi Ibrahim berkata: «Selamat sejahtera ke atasmu; aku akan memohon kepada Tuhanku agar mengampuni dosamu; sesungguhnya Dia sentiasa melimpahkan kemurahan ihsanNya kepadaku.
48. Dan aku akan membawa diri meninggalkan kamu semua serta apa yang kamu sembah selain daripada Allah; dan aku akan beribadat kepada Tuhanku dengan ikhlas; mudah-mudahan aku tidak hampa dengan ibadatku kepada Tuhanku itu».
49. Maka apabila dia berhijrah meninggalkan mereka dan apa yang mereka sembah selain daripada Allah, kami kurniakan kepadanya: Ishak (anaknya), dan Yaakub (cucunya); dan kedua-duanya Kami jadikan berpangkat nabi.
50. Dan Kami kurniakan kepada mereka daripada rahmat Kami, dan Kami jadikan bagi mereka sebutan dan pujian yang tinggi di kalangan umat manusia.
51. Dan bacakanlah (wahai Muhammad) di dalam kitab (al-Quran) ini perihal nabi Musa; sesungguhnya dia adalah orang pilihan, dan adalah dia seorang rasul dan nabi.

قَالَ سَلِّمْ عَلَيَّ سَأَسْتَغْفِرُكَ رَبِّي إِنَّهُ
كَانَ بِي حَفِيظًا ﴿٤٧﴾

وَأَعِزَّلِكُمْ وَمَا تَدْعُونَ مِنْ دُونِ اللَّهِ وَأَدْعُوا
رَبِّي عَسَىٰ أَلَّا أَكُونَ بِدُعَاءِ رَبِّي شَقِيظًا ﴿٤٨﴾

فَلَمَّا أَعِزَّلَهُمْ وَمَا يُعْبُدُونَ مِنْ دُونِ اللَّهِ وَهَبْنَا
لَهُ إِسْحَاقَ وَيَعْقُوبَ كُلًّا جَعَلْنَا نَبِيًّا ﴿٤٩﴾

وَوَهَبْنَا لَهُمْ مِنْ رَحْمَتِنَا وَجَعَلْنَا لَهُمْ لِسَانَ
صَادِقٍ عَلِيًّا ﴿٥٠﴾

وَأَذْكُرُ فِي الْكِتَابِ مُوسَىٰ إِنَّهُ كَانَ مُخْلَصًا
وَكَانَ رَسُولًا نَبِيًّا ﴿٥١﴾

52. Dan Kami telah menyerunya dari arah sebelah kanan Gunung Tursina, dan Kami dampingi dia dengan diberi penghormatan berkata dengan Kami.
53. Dan Kami kurniakan kepadanya daripada rahmat Kami, saudaranya: Harun, yang juga berpangkat nabi.
54. Dan bacakanlah (wahai Muhammad) di dalam kitab (al-Quran) ini perihal nabi Ismail; sesungguhnya dia adalah benar-benar menepati janji dan dia adalah seorang rasul, lagi berpangkat nabi.
55. Dan dia menyuruh keluarganya mengerjakan solat dan mengeluarkan zakat, dan dia pula adalah seorang yang diredai di sisi Tuhannya!
56. Dan bacakanlah (wahai Muhammad) di dalam kitab (al-Quran) ini perihal nabi Idris; sesungguhnya dia amat benar (tutur kata dan imannya), serta dia seorang nabi.
57. Dan Kami telah mengangkatnya ke tempat yang tinggi darjatnya.
58. Mereka itulah sebahagian daripada nabi-nabi yang telah dikurniakan Allah nikmat yang melimpah-limpah kepada mereka daripada keturunan nabi Adam, dan daripada keturunan orang yang Kami bawa (dalam

وَنَدَيْنَاهُ مِنْ جَانِبِ الطُّورِ الْأَيْمَنِ وَقَرَّبْنَاهُ
نَجِيًّا ﴿٥٢﴾

وَوَهَبْنَا لَهُ مِنْ رَحْمَتِنَا أَخَاهُ هَارُونَ نَبِيًّا ﴿٥٣﴾

وَأَذْكُرْ فِي الْكِتَابِ إِسْمَاعِيلَ إِنَّهُ كَانَ صَادِقَ
الْوَعْدِ وَكَانَ رَسُولًا نَبِيًّا ﴿٥٤﴾

وَكَانَ يَأْمُرُ أَهْلَهُ بِالصَّلَاةِ وَالزَّكَاةِ وَكَانَ عِنْدَ
رَبِّهِ مَرْضِيًّا ﴿٥٥﴾

وَأَذْكُرْ فِي الْكِتَابِ إِدْرِيسَ إِنَّهُ كَانَ صِدِّيقًا نَبِيًّا ﴿٥٦﴾

وَرَفَعْنَاهُ مَكَانًا عَلِيًّا ﴿٥٧﴾

أُولَئِكَ الَّذِينَ أَنْعَمَ اللَّهُ عَلَيْهِمْ مِنَ النَّبِيِّينَ مِنْ
ذُرِّيَّةِ آدَمَ وَمِمَّنْ حَمَلْنَا مَعَ نُوحٍ وَمِنْ ذُرِّيَّتِهِ
إِبْرَاهِيمَ وَإِسْرَائِيلَ وَمِمَّنْ هَدَيْتَنَا وَاجْتَبَيْنَا إِذَا
تَتَلَّى عَلَيْهِمْ ؕ إِنَّتُ الرَّحْمَنَ خَرُّوا سُجَّدًا
وَبُكْيًا ﴿٥٨﴾

bahtera) bersama-sama nabi Nuh, dan daripada keturunan nabi Ibrahim, dan (daripada keturunan) Israel- dan mereka itu adalah daripada orang yang Kami beri hidayah dan Kami pilih; apabila dibacakan kepada mereka ayat-ayat (Allah) Ar-Rahman, mereka segera sujud serta menangis.

59. Kemudian mereka digantikan oleh keturunan-keturunan yang tidak melakukan solat serta menurut hawa nafsu, maka mereka akan menghadapi azab (dalam neraka).
60. Kecuali orang yang bertaubat dan beriman serta beramal soleh, maka mereka itulah akan masuk syurga, dan mereka pula tidak dikurangkan pahala sedikitpun.
61. (Iaitu) Syurga «Adn» yang telah dijanjikan oleh (Allah) Ar-Rahman kepada hamba-hambaNya disebabkan kepercayaan mereka akan perkara-perkara yang ghaib; sesungguhnya Tuhan itu, janjiNya tetap berlaku.
62. Mereka tidak akan mendengar di dalamnya perkataan yang sia-sia tetapi mereka sentiasa mendengar perkataan yang baik-baik; dan makan minum bagi mereka disediakan di dalamnya, pagi dan petang (sepanjang masa).

﴿فَخَلَفَ مِنْ بَعْدِهِمْ خَلْفٌ أَضَاعُوا
الصَّلَاةَ وَاتَّبَعُوا الشَّهْوَاتِ فَسَوْفَ يَلْقَوْنَ
عَذَابًا﴾

﴿إِلَّا مَنْ تَابَ وَآمَنَ وَعَمِلَ صَالِحًا فَأُولَٰئِكَ
يَدْخُلُونَ الْجَنَّةَ وَلَا يُظَلَّمُونَ فِيهَا شَيْئًا﴾

﴿جَنَّاتٍ عَدْنٍ الَّتِي وَعَدَ الرَّحْمَنُ عِبَادَهُ
بِالْغَيْبِ إِنَّهُ كَانَ وَعْدُهُ مَأْتِيًا﴾

﴿لَا يَسْمَعُونَ فِيهَا لَغْوًا إِلَّا سَلَامًا وَلَهُمْ
رِزْقُهُمْ فِيهَا بُكْرَةً وَعَشِيًّا﴾

63. Itulah taman syurga yang Kami akan anugerahkan kepada orang yang bertakwa daripada hamba-hamba Kami.
64. Dan (berkatalah malaikat): «Kami tidak turun (dari semasa ke semasa) melainkan dengan perintah Tuhanmu (wahai Muhammad); Dialah jua yang menguasai serta mentadbirkan apa yang di hadapan kita dan apa yang di belakang kita serta apa yang di antara itu; dan tiadalah Tuhanmu itu lupa.
65. «Tuhan yang mencipta dan mentadbirkan langit dan bumi serta segala yang ada di antara keduanya; maka, sembahlah engkau akan Dia dan bersabarlah dengan tekun dalam beribadat kepadaNya; adakah engkau mengetahui sesiapa yang senama dan sebanding denganNya?»
66. Dan manusia (yang kafir) berkata: «Adakah apabila aku mati, aku akan dibangkitkan semula?»
67. Patutkah manusia itu berkata demikian dan tidak memikirkan bahawa Kami telah menciptakan dia dahulu sedangkan dia pada masa itu belum ada sama sekali.
68. Maka, demi Tuhanmu (wahai Muhammad)! Sesungguhnya Kami akan himpulkan mereka yang kafir itu beserta syaitan-syaitan di Padang Mahsyar,

ذَلِكَ الْجَنَّةُ الَّتِي نُورِثُ مِنْ عِبَادِنَا مَنْ كَانَ تَقِيًّا ﴿٦٣﴾

وَمَا نُنزِّلُ إِلَّا بِأَمْرِ رَبِّكَ لَهُ وَمَا يَنْبَغِي أَيْدِينَا
وَمَا خَلَقْنَا وَمَا يَنْبَغِي ذَلِكَ وَمَا كَانَ رَبُّكَ نَسِيًّا ﴿٦٤﴾

رَبِّ السَّمَوَاتِ وَالْأَرْضِ وَمَا بَيْنَهُمَا فَاعْبُدْهُ
وَاصْطِرِّ لِعِبَادَتِهِ هَلْ تَعْلَمُ لَهُ سَمِيًّا ﴿٦٥﴾

وَيَقُولُ الْإِنْسَانُ إِذَا مَاتَ لَسَوْفَ أَخْرَجُ
حَيًّا ﴿٦٦﴾

أَوَلَا يَذْكُرُ الْإِنْسَانُ أَنَّا خَلَقْتَهُ مِنْ قَبْلُ
وَلَمْ يَكُ شَيْئًا ﴿٦٧﴾

فَوَرَبِّكَ لَنَحْشُرَنَّهُمْ وَالشَّيَاطِينَ ﴿٦٨﴾
لَنَحْضِرَنَّهُمْ حَوْلَ جَهَنَّمَ جِثِيًّا ﴿٦٨﴾

kemudian Kami akan bawa mereka duduk berlutut di keliling neraka Jahannam.

69. Sesudah itu, sesungguhnya Kami akan cabut daripada tiap-tiap golongan, mana-mana orang yang sangat derhaka kepada Ar-Rahman, di antara mereka.

70. Kemudian, sesungguhnya Kami lebih mengetahui akan orang yang lebih patut disiksa dan dibakar dangan api neraka itu.

71. Dan tiada seorangpun di antara kamu melainkan akan sampai kepadanya; (yang demikian) adalah satu perkara yang mesti (berlaku) yang telah ditetapkan oleh Tuhanmu.

72. Kemudian Kami akan selamatkan orang yang bertakwa, dan Kami akan biarkan orang yang zalim (dengan kekufurannya dan maksiatnya) tinggal berlutut di dalam neraka itu.

73. Dan apabila dibacakan kepada mereka ayat-ayat Kami yang nyata, berkatalah orang yang kafir kepada orang yang beriman: «Golongan yang manakah yang lebih baik tempat tinggalnya dan lebih elok majlis perhimpunannya?

74. Dan berapa banyak kaum-kaum (yang ingkar) sebelum mereka, Kami telah binasakan, sedangkan lebih elok peralatan rumah

ثُمَّ لَنَزَعَنَّ مِنْ كُلِّ شَيْعَةٍ آئِبُهُمْ أَشَدُّ عَلَى
الرَّحْمَنِ عَيْنًا ﴿٦٩﴾

ثُمَّ لَنَحْنُ أَعْلَمُ بِالَّذِينَ هُمْ أَوْلَىٰ بِهَا صِلَابًا ﴿٧٠﴾

وَإِنْ مِنْكُمْ إِلَّا وَارِدُهَا كَانَ عَلَىٰ رَبِّكَ حَتْمًا
مَقْضِيًّا ﴿٧١﴾

ثُمَّ نُنَجِّي الَّذِينَ اتَّقَوْا وَنَذَرُ الظَّالِمِينَ
فِيهَا جِثِيًّا ﴿٧٢﴾

وَإِذَا نُتِلَّىٰ عَلَيْهِمْ آيَاتُنَا بَيِّنَاتٍ قَالَ الَّذِينَ كَفَرُوا
لِلَّذِينَ آمَنُوا أَيُّ الْفَرِيقَيْنِ خَيْرٌ مَقَامًا
وَأَحْسَنُ نَدِيًّا ﴿٧٣﴾

وَكَمْ أَهْلَكْنَا قَبْلَهُمْ مِنْ قَرْنٍ هُمْ أَحْسَنُ
أَتْنَانًا وَرِيًّا ﴿٧٤﴾

mereka dan lebih elok keadaannya pada pandangan mata.

75. Katakanlah (wahai Muhammad): «Sesiapa yang berada di dalam kesesatan, maka biarlah (Allah) Ar-Rahman melanjutkan baginya satu tempoh yang tertentu, sehingga apabila mereka melihat apa yang dijanjikan kepada mereka, sama ada azab dunia ataupun azab kiamat, maka (pada saat itu) mereka akan mengetahui siapakah orangnya yang lebih buruk kedudukannya dan lebih lemah penyokong-penyokongnya.
76. Dan Allah akan menambahkan hidayah bagi orang yang menurut jalan hidayah; dan amal-amal yang baik yang tetap kekal faedah-faedahnya itu, lebih baik balasan pahalanya di sisi Tuhanmu dan lebih baik kesudahannya.
77. Maka tidakkah engkau merasa hairan memikirkan (wahai Muhammad), akan orang yang kufur kepada ayat-ayat Kami serta dia berkata: «Sesungguhnya aku akan diberikan harta kekayaan dan anak-pinak pada hari akhirat».
78. Adakah dia telah mengetahui akan perkara yang ghaib, atau adakah dia telah membuat perjanjian dengan (Allah) Ar-Rahman mengenainya?

قُلْ مَنْ كَانَ فِي الضَّلَالَةِ فَلْيَمْدُدْ لَهُ الرَّحْمَنُ مَدًّا حَتَّىٰ إِذَا رَأَوْا مَا يُوعَدُونَ إِمَّا الْعَذَابَ وَإِمَّا السَّاعَةَ فَسَيَعْلَمُونَ مَنْ هُوَ شَرٌّ مَّكَانًا وَأَضْعَفُ جُنْدًا ﴿٧٥﴾

وَيَزِيدُ اللَّهُ الَّذِينَ اهْتَدَوْا هُدًى وَالْبَاقِيَاتُ الصَّالِحَاتُ خَيْرٌ عِنْدَ رَبِّكَ ثَوَابًا وَخَيْرٌ مَّرَدًّا ﴿٧٦﴾

أَفَرَأَيْتَ الَّذِي كَفَرَ بِآيَاتِنَا وَقَالَ لَأُوتِيَنَّ مَالًا وَوَلَدًا ﴿٧٧﴾

أَطَّلَعَ الْغَيْبَ أَمِ اتَّخَذَ عِنْدَ الرَّحْمَنِ عَهْدًا ﴿٧٨﴾

79. Tidak sama sekali! Kami akan menulis apa yang dikatakannya, dan Kami akan tambahkan baginya daripada azab, berganda-ganda.
80. Dan Kami akan warisi (harta benda dan anak-pinak) yang dikatakannya itu, dan dia akan datang kepada kami seorang diri.
81. Dan mereka yang kafir menyembah benda-benda yang selain daripada Allah sebagai tuhan-tuhan, supaya benda-benda yang mereka sembah itu menjadi penolong yang memberi kemuliaan dan pengaruh kepada mereka.
82. Tidak sama sekali! Bahkan benda-benda yang mereka pertuhankan itu mengingkari perbuatan mereka menyembahnya, dan akan menjadi musuh yang membawa kehinaan kepada mereka.
83. Tidakkah engkau mengetahui (Wahai Muhammad) bahawa Kami telah menghantarkan syaitan-syaitan kepada orang kafir, untuk menggalakkan mereka mengerjakan perbuatan kufur dan maksiat dengan bersungguh-sungguh?
84. Maka, janganlah engkau segera marah terhadap mereka yang ingkar itu, kerana sesungguhnya kami hanya menghitung hari yang sedikit sahaja bilangannya bagi mereka.

كَأَلَّا سَكَتُ مَا يَقُولُ وَوَمَدُدْ لَهُ مِنَ
الْعَذَابِ مَدًّا ﴿٧٩﴾

وَنَرْتَهُ، مَا يَقُولُ وَيَأْتِينَا فَرْدًا ﴿٨٠﴾

وَاتَّخَذُوا مِنْ دُونِ اللَّهِ آلِهَةً لِيَكُونُوا
لَهُمْ عِزًّا ﴿٨١﴾

كَلَّا سَيَكْفُرُونَ بِعِبَادَتِهِمْ وَيَكُونُونَ عَلَيْهِمْ
ضِدًّا ﴿٨٢﴾

الَّذِينَ آمَنَّا أَرْسَلْنَا الشَّيَاطِينَ عَلَى الْكَافِرِينَ
تَوْرُهُمْ أَرْسُلًا ﴿٨٣﴾

فَلَا تَعْجَلْ عَلَيْهِمْ إِنَّمَا نَعُدُّ لَهُمْ عَدًّا ﴿٨٤﴾

85. (Ingatlah) hari Kami himpulkan orang yang bertakwa untuk menghadap (Allah) Ar-Rahman, secara berpasukan.
86. Dan Kami akan menghalau orang yang bersalah ke neraka Jahannam, dalam keadaan dahaga.
87. Mereka tidak berhak mendapat syafaat, kecuali orang yang telah mengikat perjanjian (dengan iman dan amal yang soleh) di sisi Allah yang melimpah-limpah rahmatNya!
88. Dan mereka yang kafir berkata: «(Allah) Ar-Rahman, mempunyai anak».
89. Demi sesungguhnya, kamu telah melakukan satu perkara yang besar salahnya!
90. Langit nyaris-nyaris pecah disebabkan (anggapan mereka) yang demikian, dan bumi pula nyaris-nyaris terbelah, serta gunung-ganang pun nyaris-nyaris ranap.
91. Kerana mereka mendakwa mengatakan: (Allah) Ar-Rahman mempunyai anak.
92. Padahal tiadalah layak bagi (Allah) Ar-Rahman, untuk mempunyai anak.
93. Tidak ada sesiapaupun di langit dan di bumi melainkan dia akan datang kepada (Allah) Ar-Rahman, sebagai hamba.

يَوْمَ نَحْمُرُ الْمُتَّقِينَ إِلَى الرَّحْمَنِ وَقَلْدًا ﴿٨٥﴾

وَنَسُوقُ الْمُجْرِمِينَ إِلَى جَهَنَّمَ وَرِدًا ﴿٨٦﴾

لَا يَمْلِكُونَ الشَّفَاعَةَ إِلَّا مَنِ اتَّخَذَ عِنْدَ الرَّحْمَنِ عَهْدًا ﴿٨٧﴾

وَقَالُوا اتَّخَذَ الرَّحْمَنُ وَلَدًا ﴿٨٨﴾

لَقَدْ جِئْتُمْ شَيْئًا إِدًّا ﴿٨٩﴾

تَكَادُ السَّمَوَاتُ يَتَفَطَّرْنَ مِنْهُ وَتَنْشَقُّ الْأَرْضُ وَخِرُّ الْجِبَالِ هُدًّا ﴿٩٠﴾

أَنْ دَعَا لِلرَّحْمَنِ وَلَدًا ﴿٩١﴾

وَمَا يَنْبَغِي لِلرَّحْمَنِ أَنْ يَتَّخِذَ وَلَدًا ﴿٩٢﴾

إِنْ كُلُّ مَنْ فِي السَّمَوَاتِ وَالْأَرْضِ إِلَّا ءَاتِي الرَّحْمَنِ عَبْدًا ﴿٩٣﴾

94. Demi sesungguhnya! Allah telah mengira mereka (dengan pengetahuanNya) serta menghitung mereka satu persatu.
95. Dan mereka semua akan datang menghadapNya pada hari kiamat seorang diri.
96. Sesungguhnya orang yang beriman dan beramal soleh, Allah yang melimpah-limpah rahmatNya akan menanamkan perasaan kasih sayang bagi mereka ke dalam hati orang ramai.
97. Maka sesungguhnya Kami memudahkan turunnya al-Quran ini dengan bahasamu (wahai Muhammad) supaya engkau memberi khabar gembira dengannya kepada orang yang bertakwa, dan supaya engkau memberi amaran dengannya kepada kaum yang degil dalam kekufurannya.
98. Dan betapa banyaknya kaum-kaum kafir yang Kami telah binasakan sebelum mereka; adakah engkau menyedari ataupun mendengar suara yang sayup, walaupun bagi seseorang daripada orang yang telah dibinasakan itu.

لَقَدْ أَحْصَيْنَاهُمْ وَعَدَّهُمْ عَدًّا ﴿٩٤﴾

وَكُلُّهُمْ آتِيهِ يَوْمَ الْقِيَامَةِ فَرْدًا ﴿٩٥﴾

إِنَّ الَّذِينَ آمَنُوا وَعَمِلُوا الصَّالِحَاتِ
سَيَجْعَلُ لَهُمُ الرَّحْمَنُ وُدًّا ﴿٩٦﴾

فَإِنَّمَا يَسَّرْنَاهُ بِلِسَانِكَ لِتُبَشِّرَ بِهِ
الْمُتَّقِينَ وَتُنذِرَ بِهِ قَوْمًا لُدًّا ﴿٩٧﴾

وَكَرَّهَاكَ تَأْقَبَهُمْ مِّن قَرْنٍ هَلْ يُحِيسُ
مِنْهُمْ مِّنْ أَحَدٍ أَوْ تَسْمَعُ لَهُمْ رِكْرًا ﴿٩٨﴾